

« 30 » may 2022 y.

Muborak t.

“O‘zbekneftgaz” AJ “Muborak GQIZ” (keyingi o‘rinlarda - **Buyurtmachi**) nomidan 15.02.2022 yilda berilgan 02-son ishonchnoma asosida faoliyat ko‘rsatuvchi bosh muhandis G.Q.Xo‘jaqulov bir tomondan va “CHIMYON-EXPRESS” MChJ (keyingi o‘rinlarda “**Bajaruvchi**” deb yuritiladi) nomidan Ustav asosida faoliyat ko‘rsatuvchi jamiyat direktori N.U.Berdiyeva ikkinchi tomondan, Davlat xaridlari bo‘yicha maxsus axborot portali etender.uzex.uz platformasidagi №85250 sonli lotga asosan ushbu shartnomani quyidagi mazmunda tuzdilar:

1. SHARTNOMA MAZMUNI

1.1. Ushbu Shartnomaga asosan quyida keltirilgan ishlar bo‘yicha «**Buyurtmachi**»ga topshirish, «**Bajaruvchi**» esa ko‘rsatilgan ishlarni bajarish majburiyatini oladi:

“**Buyurtmachi**”ning topshirig‘iga muvofiq, “**Bajaruvchi**” quyidagi xizmatlarni (ishlarni) bajarish majburiyatini oladi: “O‘zbekneftgaz” AJ “Muborak GQIZ” ob‘ektlarini obodonlashtirish va ko‘kshamzorlashtirish ishlarini bajarish, “**Buyurtmachi**” esa bajarilgan xizmatlar, haqini to‘lash majburiyatini oladilar.

2. TOMONLARNING MAJBURIYATI

2.1. “**Bajaruvchi**” ning majburiyati

- “**Buyurtmachi**”ning texnik topshitiq‘ida ko‘rsatilgan barcha ishlarni bajarish:

- Qarshi-Buxoro yo‘lining zavod xududiga tegishli kismi, №KPP-1 va №KPP-2 larga kirish yo‘llarining ikkala tomonlari va istiqloq bog‘larida obodonlashtirish va ko‘kalamzorlashtirish uchun xizmatlarni bajarish.

2.2. “**Buyurtmachi**”ning texnik topshitiq‘i ushbu shartnomaning ajralmas qismi hisoblanadi.

2.3. “**Buyurtmachi**”ning majburiyati:

- Bajarilgan obodonlashtirish xizmatlari uchun me‘yoriy hujjat talablari asosida loyiha-smeta hujjatlarida nazarda tutilgan barcha ishlar bajarilgan ishlar F-2, F-3 va tegishli aktlarni qabul qilish;

- Tekshirish natijalariga ko‘ra dalolatnomalar va nuqsonli dalolatnomalar tuzgan holda qo‘shimcha ish hajmini belgilash.

3. KORRUPTSIYGA QARSHI SHARTLAR

3.1. Taraflar Shartnoma bo‘yicha o‘z majburiyatlarini bajarish jarayonida o‘zlari, ularning xodimlari, filiallari, benefitsiarlari, va biznes sheriklari, vositachilar, subpudratchi yoki Shartnomani bajarishda ishtirok etadigan agentlar korruptsiya xarakterlarini amalga oshirishni, ya‘ni pora olish, tijorat pora olish, pora berish yoki berishda vositachilik qilish, jinoyatchilikdan olingan xalqaro aktlarda nazarda tutilgan daromadlarni legallashtirish (o‘zlashtirish) va terrorizmni moliyalashtirishda nazarda tutilgan korruptsiyaga va ushbu huquqbuzarlikka qarshi kurashish maqsadida davlat ishtirokidagi tashkilot yoki fuqorolarning o‘zini o‘zi boshqarish organi xodimiga pora berish kabilarga amaldagi korruptsiyaga qarshi qonunchilik talablariga rioya etilishini ta‘minlaydilar.

3.2. Taraflar to‘g‘ridan-to‘g‘ri yoki bilvosita, shaxsan yoki uchinchi shaxslar orqali takliflar, va‘dalar, berish, tovlamachilik so‘rovlar, pul boshqa qimmatbaho buyumlar, mulk, mulk huquqi yoki boshqa moddiy va moddiy bo‘lmagan buyumlar, evaziga foyda ko‘zlashi yoki taraflar o‘rtasidagi munosabatlarning shaffofligi va ochiqligiga mos kelmaydigan maqsadlarga erishish uchun ularga ta‘sir o‘tkazadigan shaxslarning asossiz ustunlikka erishishiga yo‘l qo‘ymasligi zarur. Taraflar ushbu harakatlar oldini olish choralarini ko‘rishni kafolatlaydilar. Taraflar korruptsiyaga qarshi kurashish qonunining buzilishida gumonlarning paydo bo‘lishi yoki shartnoma doirasida ular tomonidan jalb qilinganlar, xodimlar, foyda oluvchilar, ushbu ish bilan bog‘liq shaxslar yoki boshqa shaxslar tomonidan buzilish ehtimoli to‘g‘risida (shu jumladan korporativ elektron pochtdan foydalangan

holda) bir birini yozma ravishda ochiq va darhol shartnoma shartlarida ko'rsatilgan korruptsiyaga qarshi nizomi asosida xabardor qilish majburiyatini oladilar.

3.3. Taraflar ushbu harakatlarning oldini olish bo'yicha choralar ko'rishni kafolatlaydi. Taraflar shartnomani bajarish doirasida ular tomonidan jalb qilinganlar, xodimlar, benefitsiarlar, kaffillangan yoki boshqa shaxslar tomonidan buzilishi yoki buzilishi ehtimoli borligi haqida bir-birlarini yozma shaklda (shu jumladan korporativ elektron pochtalardan foydalangan holda) ochiq va darhol xabardor qilishi shart.

3.4. Shuningdek, agar Taraflardan biri amaldagi qonunchilik va ushbu bitimning korruptsiyaga qarshi kurashish qoidalarini boshqa taraf, uning xodimlari, benefitsiarlari, sheriklari yoki shartnomani bajarishda ishtirok etadigan boshqa shaxslar tomonidan buzilishi sodir bo'lganda yoki sodir bo'lishi mumkinligini bilib, asosli shubhalarga ega bo'lsa, qarshi tarafga yozma murojaat etish va ushbu murojaatga 10 (o'n) ish kunida huquqbuzarlik faktini rad qiluvchi yoki tasdiqlovchi izohlar va ma'lumotlar hujjatlarini taqdim etilishini talab qilishga haqli.

3.5. Taraflar, agar ulardan biri ushbu bobning talablarini bajarmagan bo'lsa, shuningdek boshqa taraf o'rnatilgan muddatlarda korruptsiyaga qarshi kurashish talablarning buzilishi sodir bo'lmaganligi yoki sodir bo'lmasligi to'g'risida tasdiq olmagan bo'lsa, unda boshqa taraf shartnomani bir tarafdama bekor qilishga haqlidir va bu shartnoma bajarilishini to'xtatib qo'yishga teng deb hisoblanadi.

3.6. Ushbu bobda ko'rsatilgan asoslar bo'yicha shartnomani bekor qilishni talab qilgan taraf qarshi tarafdin yetkazilgan zararni qoplanishi shartnomaning tegishli moddalarida belgilangan tartibda amalga oshiriladi, shu bilan birga ushbu bobning majburiyatlarini buzgan taraf unga yetkazilgan zararni qoplashni talab qilishga haqli emas.

3.7. Agar shartnoma bo'yicha biron bir taraf tashkilot xodimlarining xarakatlariga, ushbu shartnoma yoki amaldagi qonunchilikka, shu jumladan korruptsiyaviy huquqbuzarliklarni sodir etishga majburlash faktlariga duch kelsa, bu haqda quyidagi aloqa kanallaridan biri orqali xabar qilishi mumkin:

Buyurtmachining;

- +998 (71) 233-28-88 raqamli "Ishonch telefoniga" og'zaki murojaat qilish;
- <http://www.ung.uz/contacts/rasmiy-veb-saytida-joylashtirilgan-forma-orqali>.

4. ISHLARNI NARXI VA HISOBLASHISH TARTIBI

4.1. Shartnoma summasi jami - 1 995 116 300 (Bir milliard to'qqiz yuz to'qson besh million bir yuz o'n olti ming uch yuz) so'mni QQS bilan tashkil etadi.

4.2. "Buyurtmachi" "Bajaruvchi"ga amalda bajarilgan xizmatlar (ishlar) uchun bajarilgan ishlar dalolatnomasiga asosan to'lovlarni amalga oshirib boradi.

4.3. "Buyurtmachi"ga bog'liq bo'lmagan, lekin xizmatlarni (ishlarni) bajarishga to'sqinlik qiladigan holatlar yuzasidan "Bajaruvchi" "Buyurtmachi"ni 1 kun muddatda zudlik bilan bu haqida yozma ravishda xabardor qiladi.

4.4. Mazkur shartnomaga muvofiq "Buyurtmachi" 15 % oldindan to'lovni «Bajaruvchi»ning hisob raqamiga 10 ish kunida o'tkazib beradi, qolgan to'lovlar bajarilgan ishlar dalolatnomasiga asosan 90 kun davomida amalga oshirilib boriladi.

5. TOMONLARNING JAVOBGARLIGI

5.1. Mazkur shartnoma shartlarini bajarmaganligi yoki to'liq bajarmaganligi uchun, tomonlar O'zbekiston Respublikasining 29.08.1998y. 670-1-sonli «Xo'jalik yurituvchi sub'ektlar faoliyatining shartnomaviy-huquqiy bazasi to'g'risida»gi Qonuni va O'zbekiston Respublikasi qonunchiligining boshqa amaldagi hujjatlarida ko'zda tutilgan javobgarlikka tortiladi.

6. FORS-MAJOR VAZIYATLAR

6.1. Tomonlar mazkur shartnoma bo'yicha majburiyatlarning qisman yoki to'liq bajarmaganligi uchun javobgarlikka tortiladi, agarda bu mazkur shartnoma tuzilgandan so'ng, tomonlar ko'zda

tutishi, oqilona choralar bilan oldini olishi mumkin bo'lmagan va tomonlar o'z majburiyatlarini tegishli tarzda bajarish bo'yicha o'zlariga bog'liq barcha choralarni ko'rgan, favqulodda xarakterdagi hodisalar natijasida sodir bo'lgan yengib bo'lmay kuch (fors-major) bilan bog'liq vaziyatlar oqibatida yuzaga kelganligini isbotlamasa. Fors-major vaziyatlarga xususan: urush xarakatlari, tabiat kuchlari ta'siri (zilzilalar, suv toshqini va h.k.), davlat organlarining qarorlari kiradi.

6.2. Fors-major vaziyatlar boshlanganligi haqida tomonlar ular boshlangan paytdan boshlab 5 (besh) ish kuni ichida bir-birini xabardor qilishi kerak.

6.3. Fors-major vaziyatlar yuzaga kelgan holda, mazkur shartnoma bo'yicha majburiyatlar bajarilish muddati bunday vaziyatlar va ularning oqibatlari ta'sir qilish vaqti davomida uzaytiriladi.

7. NIZOLARNI HAL ETISH TARTIBI

7.1. Taraflar o'rtasida mazkur Shartnoma yuzasidan kelib chiqadigan nizolar taraflar kelishuvi bilan hal qilinadi. Kelishuvga erishilmagan nizolar O'zbekiston Respublikasi qonunchiligiga muvofiq Toshkent shahar tumanlararo iqtisodiy sudda hal qilinadi.




8. SHARTNOMANING AMAL QILISH MUDDATI

8.1. Ushbu shartnoma imzolangan kundan boshlab, 2023 yil 27 may kuniga qadar amal qiladi.

8.2. Shartnoma yuridik kuchga ega bo'lgan ikki nusxada tuziladi va tomonlarning har biriga bir nusxadan beriladi.

9. TOMONLARNING YURIDIK MANZILLARI

«Buyurtmachi» “O‘zbekneftgaz” AJ “Muborak GQIZ”	«Bajaruvchi» “CHIMYON-EXPRESS” MCHJ
180900, Qashqadaryo viloyati	Manzil, Qashqadaryo viloyati
Muborak tumani, Sanoat zonasi, Muborak GQIZ	Muborak shahri Tel: : (+99899)343-85-79
h/r: 20 21 0000 8001 2433 9001	h/r: 2020 8000 2010 0687 9001
Toshkent.sh. O'zsanoatqurilishbanki OATB Yashnobod filiali	Karshi Turon bank
MFO: 00432	MFO: 00192
INN: 200837914	INN:306109601
OKED: 84111	Kod NDS:
Bosh muhandis:  G'.Xo'jaqulov	Direktor:  N.U.Berdiyeva



“O‘ZBEKNEFTGAZ” AJ
“MUBORAK GAZNI QAYTA ISHLASH ZAVODI”
YURIDIK BO‘LIMI
“30” 05 2022 yil

026-yc. 2022